

www.BibleForChildren.org



Etanta-nakari 6



Iroka okanta ikenkithatakoetziri
Noé. Tema Noé
kameethashireri rini,
ikemijantapiintziri Tajorentsi.
Ikaatzira atziripaeni ijeekaeyinira
paerani, apatziro Noé

rantapiintakiro ikowayiri

Tajorentsi.

Tema mawoeni
ikaariperotaki

atziripaeni. Ikanta

iñaakiro

Tajorentsi osheki


okantaka

kaariperotaantsi

kepatsiki, . . .




. . . ikantakiri Noé: “Nokenkithashiretaka
nothonkeri atziripaeni. Riitaki
kantakaantakirori otzimantakari kepatsiki
ompojawakahaantsi, nothonkeri
irikapaeni eejatzi
maawoeni kepatsi.”




“Piwenatero inchato tzimatsiri okashi, rotaki pamaatakotantyaari. Pitsipanayitero inthomoeki pitantotantyaawo jantarikota.

Roojatzi piwichantakyaawori tziriki iwitenkayitaha ojanarikira eejatzi inthomoeki, eero okyaantantawo nijaa.”



“Iroka okaate ojanthate
pamaatakomento: 300
okaate ojanthate
pimonkaatantyaawo
pikonaki,
50 okaate


ojanthate
oshipaneeeki
pimonkaatantyaawo
pikonaki, 30 okaate
ojenokite
pimonkaatantyaawo
eejatzi pikonaki.”




“Paayite eejatzi okaatzi
rowaetari, powaantyaawo,
otzimantyaari poyaari
eeroka eejatzi tsimeripaeni.”




Pomonkyaayite eejatzi apitepaeni tsimeri
pamaatakomentoki, apaani shirampari eejatzi apaani
tsinani, opoñaantyaari itzimantayiteeyaari.




Paanaki inashiyitachari tsimeri kitewathari, ikaate 7
shirampari eejatzi tsinani, riima tsimeri
kaariperowathari apite ikaate paanakiri,
apaani shirampari eejatzi tsinani.






Roojatzi
rotetapithateeya-nakawoni
Noé oonkawo
amaatakomentotsiki
itsipateeyanakarini itomipaeni,
iina, raniropaeni.





Okaataki rojarentsite
Noé 600, roori kitejeri 17
apitetaneentsiri kashiri. Aripaete
otonkakotanaki antawoete inkaare
inthomoekinta kepatsi, ashitaryaakotanaka
eejatzi jenoki inkiteki.





Okamaetakawo oparyaaki kepatsiki
okaatzi 40 kitejeri eejatzi 40 tsireniri.



Eekiro opokaahatzi nijaa, eekiro
otzinaatya amaatakomentotsi.



Tema intsipaete opokaahapaaki nijaa, opamankanakiro
antawopaeni tonkaari jaka kepatsiki. Ari ithonkatakiri
añaayitatsiri kepatsi, maawoeni ikaatzi jekawitachari.



Ikanta Tajorentsi, roshiretaari Noé
eejatzi maawoeni antamiweripaeni
itsipatakarira amaatakomentotsiki.
Itampyaatakaakiro
pyahaana oonkawo.





Okanta awijaki 40 kitejeri,
rashitaryahaero Noé
imoontakirowa
amaatakomentotsi,
rowaahakiri tzijoniro. Ikanta
Noé, romishitowakiri shiro
iñaantyaawori piryaateerika
kepatsi.



Ikanta imonkaatzimataka apite kashiri, ari opiryaateeri
kameetha kepatsi. Ikanteeri Tajorentsi irika Noé:

“Pishitowae amaatakomentotsiki,
pitsipateeyaawo piina,
pitomipaeni eejatzi
paniropaeni.”



Roojatzi
rowetsikantaka

Noé

taapokimentotsi

roemoshiren-kantyaariri

Tajorentsi. Raaki apaani


ikaatzi tsimeriyitatsiri

kitewathatatsiri,

ari ikantzitakari ikaatzi
shiwankiyitatsiri.

Itaakiniri.





Eekiro
ikenkithawae-takaatziiri
Tajorentsi, ikantziri: “Irika
iñahaet-eeri riyotanteetyaari
tzimatsi nokashiyaakaakimiri,

roo piñaapiinteeri
eeroka eejatzi
antamiweripaeni. Arika
piñeeri oye menkoriki,
piyotzi eenitatsi
nokashiyaakaakimiri.”



“Arika
ooreen-kakite
kepatsiki, ari
iñahaeteeri ikatziye
oye. Ari
nokenkithas-hireterori
naaka

nokashi-yaakaakimiri
eeroka eejatzi
antamiweripaeni, eero
rapiiteero iñahaero
oonkawo othonkaero
kepatsi.”




Ikanta Tajorentsi

itajonkawentakiri Noé itsipataakiri

itomipaeni, iroka ikantakiri:

“Roshekitee pitomipaeni, ithonkya

inampiteeyaawo kepatsiki.”



Irika itomipaeni Noé
ikaatzi shitowaatsiri
amaatako-mentotsiki: Sem, Cam,
Jafet. Riitaki Cam ipapatetanakari
Canaán. Ritaki mawa
itomipaeni Noé
oshekitaatsiri kepatsiki.





Tema retako-perotani royiri
Tajorentsi jaawiki-jatzi, ishinetakiri
rapintzite Itomi ikamawenteeri,
rootaki eero ikaamanitanta
ikaate kemijanteerini,
ashi rowaero rañaayitee.



Roma-jatzi 3:23

Tema maawoeni akaaripero-shiretaki. Rootaki eero okantanta añaayiteero rowaneenkawo Tajorentsi.

Roma-jatzi 6:23

Iroka “Kaamanitaantsi” okimiwitakawo roomi ipineetee-ririmi antawaeta-piinta-kinirori kaari kamethatatsi, okimiwitaka riimi omperatani. Rooma “Kañaanitantsi” okimiwitakawo roomi ineshironkani Tajorentsi tsipashireyitaariri ikaatzi tsipa-shire-yitaariri Jesús Jeepatzii-totaa-rewo, Awinkatharite.

Heber-paeni 9:27

Roowaetaki ikantee-tziri: Maawoeni atziri apawo-jatzi okanta ikami, opoñaashityaa ramina-koteeri Tajorentsi.



Efeso-jatzi 2:8,9

Rootaki piñaantaawori pawijako-shire-yitee pawentaa-yitaari. Tema riitaki Tajorentsi kimitakaan-taawori ipashitee-miro awijako-shiretaantsi, teera eeroka materoni powawijaako-shiretyaa apaniroeni. Ari okantyyaa eero pajahaa-wenta-shiwaetanta.

Roma-jatzi 10:9,10

Aririka piñaawaetee pikante, “Nowinkatharite irika Jesús,” aririka pawentaa-shiretee-yaari Tajorentsi riitaki owiriinteeri ikamawitaka, aritaki pawijako-shiretee.

Tema pawentaa-shiretaari rirori, rootaki otampatzika-shiretan-teemiri. Ari okantzita, aririka piñaawae-yiteero, rootaki rowawijaako-shire-yitan-teemiri.



Juan 3:16,17

“Tema retako-perotani royiri Tajorentsi jaawiki-jatzi, ishinetakiri rapintzite Itomi ikamawenteeri, rootaki eero ikaamanitanta a ikaate kemijanteerini, ashi rowaero rañaayitee. Tema Tajorentsi tee rotyaantziri Itomi jaka kepatsiki riyakowenteeri jaawiki-jatzi, tema ikowatzii rowawijaa-koyiteeri.

1 Juan 5:11-13

Iroka ikantee-takiri: Riitaki Tajorentsi kantakae-yaawoni añaashiretan-teeyaari, tema awentaari Itomi. Ikaatzi aapatziyee-yaarini Itomi aritaki raña-shiretee. Riima kaari aapatziyee-yaarini Itomi Tajorentsi, eero raña-shiretee. Tema pawentaari eeroka-paeni Itomi Tajorentsi, pikemijanteeri. Rootaki nojankinatan-tzimirori iroka ari okantyyaa piyoperotan-tyaari ashi powaero pañaayitee paata.



Etanta-nakari 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Asheninka South Ucayali Bible (cpy) © 2008, Wycliffe Bible
Translators, Inc. All rights reserved

<https://www.bible.com/bible/1350/MAT.1>

©2026 Bible for Children, Inc.

www.M1914.org

www.bibleforchildren.org

